

11 MAR 2000

Mahathir-Projekt (Bergambar)

DR MAHATHIR PERIKSA PERKEMBANGAN PROJEK

LANGKAWI, 11 Mac (Bernama) -- Perdana Menteri Datuk Seri Dr Mahathir Mohamad hari ini memeriksa beberapa projek pembangunan di sini, termasuk Perkampungan Ketimuran bernilai RM20 juta di Teluk Burau.

Projek itu, yang mempunyai 30 bilik budget dan 26 unit kedai, dibangunkan oleh Lembaga Kemajuan Langkawi (Lada), selaras dengan status bebas cukai pulau perangan ini.

Dr Mahathir kemudian melawat perkampungan kristal pertama Malaysia di Pulau Rebak, yang bernilai RM15 juta dan dijadualkan pembukaannya pada Jun ini.

Perkampungan kristal itu, yang dibangunkan oleh LangkawiiCrystaal Sdn Bhd, dibina di kawasan seluas 0.97 hektar dan menggabungkan unsur-unsur bernilai perkampungan tradisional Melayu dan sedikit ciri-ciri Venice.

LangkawiiCrystaal Sdn Bhd, pengeksport terkemuka bagi barangan kristal, membangunkan perkampungan itu untuk menempatkan sebuah sekolah antarabangsa, pusat penyelidikan dan pembangunan, sebuah bilik pameran dan galeri yang menghimpunkan koleksi kristal.

Kemudahan-kemudahan itu dibangunkan dengan kerjasama sebuah universiti tempatan yang akan menawarkan kursus peringkat diploma dan ijazah dalam pemfrancaisan, kraftangan dan pembangunan usahawan.

LangkawiiCrystaal akan memindahkan operasi pengeluarannya secara berperingkat-peringkat mulai akhir bulan ini dari Jalan Kisap di Pulau Besar mulai akhir bulan ini.

Dr Mahathir, yang diiringi Datuk Seri Dr Siti Hamah Mohd Ali, tiba di sini malam tadi dan dijadualkan berkepas ke Kuala Lumpur lewat hari ini.

-- BERNAMA

NH RYN NAK